

যশোর বোর্ডে নকলের দায়ে সাড়ে ৫ হাজার এইচএসসি পরীক্ষার্থীর সাজা

কিনাইদহ সংবাদদাতা ॥ যশোর বোর্ডের অধীন ২০০০ সালের উচ্চমাধ্যমিক পরীক্ষায় নকল ও অন্যান্য অসদুপায় অবলম্বনের দায়ে সাড়ে ৫ হাজার পরীক্ষার্থীর শাস্তি দেওয়া হইয়াছে। যে সকল পরীক্ষার্থীর বিরুদ্ধে অসদুপায় অবলম্বনের অভিযোগ আনা হয় তাহাদের উত্তরপত্রসমূহ পরীক্ষা পরিচালনার দায়িত্বে নিয়োজিত কর্মকর্তাদের দাখিলকৃত প্রতিবেদন, গোপন বিবরণ এবং কাগজপত্রাদি বোর্ডের শৃংখলা কমিটি কর্তৃক পরীক্ষা-নিরীক্ষা ও যাচাই-বাছাই শেষে দোষী প্রমাণিত হইলে তাহাদের শাস্তির ব্যবস্থা নেওয়া হয়। যশোর বোর্ডের একটি নির্ভরযোগ্য সূত্রে জানা যায়, অসদুপায় (১৩শ পৃঃ ৫-এর কঃ প্রঃ)

যশোর বোর্ডে নকলের

(৩য় পৃঃ পর)

বলম্বনের দায়ে প্রায় সাড়ে ৪ হাজার উচ্চমাধ্যমিক পরীক্ষার্থীর শুধুমাত্র ২০০০ সালের পরীক্ষা বাতিল বা হয়। তাহারা ইচ্ছা করিলে ২০০১ সালে অনুষ্ঠিতব্য পরীক্ষায় ক্যাজুয়াল হিসাবে অংশগ্রহণ করতে পারিবে।

৯ শত ৩৪ জন পরীক্ষার্থীর ২০০০ সালের পরীক্ষা বাতিলসহ ২০০১ সালে অনুষ্ঠিতব্য পরীক্ষায় অংশগ্রহণ রহিত করা হয়। ২৯ জন পরীক্ষার্থীর ২০০০ সালের পরীক্ষা বাতিলসহ ২০০১ ও ২০০২ সালে অনুষ্ঠিতব্য পরীক্ষায় অংশগ্রহণ রহিত করা হয়। অপরাধের গুরুত্ব বেশী হওয়ায় ৩৫ জন পরীক্ষার্থীর ২০০০ সালের পরীক্ষা বাতিলসহ সাময়িকী ২০০১, ২০০২ এবং ২০০৩ সাল পর্যন্ত পরীক্ষায় অংশগ্রহণ রহিত করা হয়।

বোর্ডের এই কড়াকড়ি শাস্তি বিধানের ফলে মাধ্যমিক ও উচ্চ মাধ্যমিক পরীক্ষায় ইতিবাচক প্রভাব পড়িতে শুরু করিয়াছে। ছাত্র-ছাত্রীদের পড়াশুনায় মনোযোগী হইতে লক্ষ্য করা যাইতেছে, ছাত্র-ছাত্রীদের ক্লাসে উপস্থিতিও বৃদ্ধি পাইতেছে বলিয়া বিভিন্ন শিক্ষা প্রতিষ্ঠান সূত্রে জানা যায়।